

БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ

ДОМ НАРОДА
ПРЕДСТАВНИЧКИ ДОМ

Зajедничка комисија за економске реформе и развој



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE

DOM NARODA
PREDSTAVNIČKI DOM/ZASTUPNIČKI DOM

Zajednička komisija za ekonomske reforme i razvoj
Zajedničko povjerenstvo za ekonomske reforme i razvoj

Broj: 03/3-50-14-9-7,2/24

Sarajevo, 29.1.2024.

**IZVJEŠTAJ O RADU ZAJEDNIČKE KOMISIJE ZA EKONOMSKE REFORME I
RAZVOJ PARLAMENTARNE SKUPŠTINE BiH U 2023. GODINI**

Sarajevo, januar 2024. godine

SADRŽAJ

POGLAVLJE I. UVODNI DIO	3
POGLAVLJE II. IZVJEŠTAJ O AKTIVNOSTIMA ZAJEDNIČKE KOMISIJE	4
Odjeljak A Zakonodavne aktivnosti	5
Odjeljak B Izvještaji o radu	5
Odjeljak C Imenovanja	5
Odjeljak D Aktivnosti vezane za razmatranje i usvajanje ostalih akata	5
Odjeljak E Međunarodna saradnja, seminari, konferencije i radni sastanci	6
POGLAVLJE III. REZIME	6

Na osnovu člana 32. stav (2) Poslovnika Predstavničkog doma ("Službeni glasnik BiH", br. 79/14, 81/15, 97/15, 78/19, 26/20, 53/22 i 59/23) i člana 27. stav (2) Poslovnika Doma naroda Parlamentarne skupštine Bosne i Hercegovine ("Službeni glasnik BiH", br. 58/14, 88/15, 96/15 i 53/16), u skladu s Uputstvom o metodologiji izrade izvještaja o radu komisija Parlamentarne skupštine BiH, broj: 01,02-02-4-574-1/13 od 10. 4. 2014, i Zaključkom Predstavničkog doma broj: 01-50-1-15-15/15 od 22. 7. 2015, Zajednička komisija za ekonomske reforme i razvoj Parlamentarne skupštine Bosne i Hercegovine podnosi Predstavničkom domu i Domu naroda Parlamentarne skupštine Bosne i Hercegovine sljedeći

Izvještaj
o radu Zajedničke komisije za ekonomske reforme i razvoj
Parlamentarne skupštine BiH u 2023. godini

POGLAVLJE I. UVODNI DIO

Zajednička komisija za ekonomske reforme i razvoj Parlamentarne skupštine BiH (u daljnjem tekstu: Zajednička komisija) stalno je radno tijelo oba doma Parlamentarne skupštine BiH. Djelokrug Zajedničke komisije određen je članom 61. Poslovnika Predstavničkog doma i članom 51. Poslovnika Doma naroda prema kojima Zajednička komisija razmatra pitanja koja se odnose na: ekonomske reforme koje u su nadležnosti institucija BiH; prijedloge reformi ili inicijative za izmjene zakona koje Zajedničkoj komisiji dostavljaju predstavnici građanskog društva, odnosno udruženja privrednika, unije poslodavaca, sindikata, agencija za regionalni razvoj, udruženja građana ili drugih nevladinih interesnih grupa; monetarnu politiku; politiku vanjskog zaduživanja; odnose s međunarodnim finansijskim institucijama; politiku i program obnove i razvoja Bosne i Hercegovine; definiranje mjera ekonomske politike; fiskalnu i kreditnu politiku Bosne i Hercegovine; politiku bankarstva; statistiku, mjere i standarde; kao i druga pitanja iz oblasti ekonomskih reformi, obnove i razvoja Bosne i Hercegovine.

Predsjedavajuća Zajedničke komisije je Ermina Salkičević-Dizdarević, prvi zamjenik predsjedavajuće je Ilija Cvitanović, a drugi zamjenik je Čedomir Stojanović. Ostali članovi Zajedničke komisije su: Mladen Bosić, Šemsudin Dedić, Šefik Džaferović, Dženan Đonlagić, Nermin Mandra, Zlatko Miletić, Želimir Nešković, Snježana Novaković-Buršać i Nihad Omerović.

Sekretar Zajedničke komisije je Edin Mukinović, a poslove stručnog savjetnika u Uredu sekretara obavlja Dženan Suljović. Zajednička komisija obavljala je aktivnosti iz svoje nadležnosti u skladu s procedurama utvrđenim Poslovníkom Predstavničkog doma i Poslovníkom Doma naroda.

POGLAVLJE II. IZVJEŠTAJ O AKTIVNOSTIMA ZAJEDNIČKE KOMISIJE

U izvještajnom periodu Zajednička komisija održala je šest sjednica, s ukupno 23 tačke dnevnog reda te usvajala odgovarajuće zaključke po razmatranim tačkama dnevnog reda. Napominjemo da je konstituirajuća sjednica, zbog objektivnih okolnosti, održana u dva dijela, a da su 4. i 6. sjednica Zajedničke komisije po jednom otkazane zbog nedostatka kvoruma.

Prosjeck prisustva članova Zajedničke komisije sjednicama je 78,57%, ali je bitno napomenuti da je 50% sjednica održano blizu ivice kvoruma, a kako je riječ o zajedničkoj komisiji, neophodno je povesti više računa o prisustvu, prije svega, zbog obaveza poslanika i delegata koje proističu iz odredaba poslovnika oba doma Parlamentarne skupštine BiH.

Broj i datum održavanja sjednice	Broj razmatranih tačaka dnevnog reda na sjednici	Prisustvo članova sjednicama Zajedničke komisije (%)
1. sjednica – 20. 3. 2023.	1	75
1. sjednica - nastavak – 27. 3. 2023.	1	83
2. sjednica – 18. 4. 2023.	5	92
3. sjednica – 6. 6. 2023.	4	67
4. sjednica – 4. 7. 2023.	4	67
5. sjednica – 24. 7. 2023.	4	100
6. sjednica – 21. 12. 2023.	5	67
Ukupan broj sjednica: 6	Ukupan broj razmatranih tačaka: 23	Prosječno prisustvo: 78,51%

Tabela 1. Pregled sjednica Zajedničke komisije s tačkama dnevnog reda

U izvještajnom periodu Zajednička komisija razmatrala je Izvještaj o radu Vijeća ministara BiH za 2021. godinu i Izvještaj o radu Vijeća ministara BiH za 2022. godinu u dijelu koji se odnosi na 11 institucija iz nadležnosti Zajedničke komisije, zatim je razmatrala i usvojila Prijedlog izvještaja o radu Zajedničke komisije za 2022. godinu, kao i Orijentacioni radni plan Zajedničke komisije za 2023. godinu.

U izvještajnom periodu nije bilo putovanja u organizaciji Zajedničke komisije.

Odjeljak A. Zakonodavne aktivnosti

Zajednička komisija u 2023. godini nije razmatrala nijedan prijedlog zakona.

Odjeljak B. Izvještaji o radu

U izvještajnom periodu Zajednička komisija razmatrala je izvještaje o aktivnostima institucija Bosne i Hercegovine za koje je nadležna, i to:

1. Izvještaj o radu Vijeća ministara BiH za 2021. godinu u dijelu koji se odnosi na 11 institucija iz nadležnosti Zajedničke komisije, i to: Instituta za intelektualno vlasništvo BiH, Instituta za standardizaciju BiH, Instituta za akreditiranje BiH, Instituta za mjeriteljstvo BiH, Agencije za statistiku BiH, Agencije za unapređenje stranih investicija u BiH (FIPA), Agencije za nadzor nad tržištem BiH, Agencije za osiguranje u BiH, Agencije za rad i zapošljavanje BiH, Konkurencijskog vijeća BiH i Direkcije za ekonomsko planiranje i
2. Izvještaj o radu Vijeća ministara BiH za 2022. godinu u dijelu koji se odnosi na 11 institucija iz nadležnosti Zajedničke komisije, i to: Instituta za intelektualno vlasništvo BiH, Instituta za standardizaciju BiH, Instituta za akreditiranje BiH, Instituta za mjeriteljstvo BiH, Agencije za statistiku BiH, Agencije za unapređenje stranih investicija u BiH (FIPA), Agencije za nadzor nad tržištem BiH, Agencije za osiguranje u BiH, Agencije za rad i zapošljavanje BiH, Konkurencijskog vijeća BiH i Direkcije za ekonomsko planiranje.

Odjeljak C. Imenovanja

U izvještajnom periodu Zajednička komisija nije razmatrala imenovanja iz svoje nadležnosti.

Odjeljak D. Aktivnosti vezane za razmatranje i usvajanje ostalih akata

U izvještajnom periodu Zajednička komisija je razmatrala:

1. Prijedlog orijentacionog radnog plana Zajedničke komisije za ekonomske reforme i razvoj za 2023. godinu;
2. Informaciju o inicijativi za uspostavljanje Institucije za zaštitu prava privrednika i preduzetnika u Bosni i Hercegovini;
3. Poslaničku inicijativu Nihada Omerovića za uspostavljanje ekonomsko-socijalnog dijaloga na nivou Bosne i Hercegovine putem donošenja zakona o ekonomsko-socijalnom vijeću BiH, broj: 01-50-1-1115/23 od 17.5.2023;

4. Poslaničku inicijativu Nihada Omerovića za donošenje odluke o utvrđivanju godišnje kvote radnih dozvola za zapošljavanje stranaca u Bosni i Hercegovini u 2023. godini po pojednostavljenim procedurama, broj: 01-50-1-1117/23 od 17.5.2023;
5. Informaciju s tematske sjednice Zajedničke komisije za ekonomske reforme i razvoj o temi: "Perspektive ekonomskog razvoja Bosne i Hercegovine kroz prizmu stabilnih poslodavaca";
6. Informaciju o posjeti Centralnoj banci Bosne i Hercegovine;
7. Informaciju sa sastanka s predstavnicima Ministarstva sigurnosti BiH, Ministarstva civilnih poslova BiH i Agencije za rad i zapošljavanje BiH s ciljem analize ekonomskih i sigurnosnih aspekata boravka i eventualnog radnog angažiranja stranaca u Bosni i Hercegovini – realizacija zaključka Zajedničke komisije i
8. Informaciju o posjeti Upravi za indirektno oporezivanje Bosne i Hercegovine.

Odjeljak E. Međunarodna saradnja, seminari, konferencije i radni sastanci

U izvještajnom periodu Zajednička komisija je organizirala sljedeće aktivnosti:

- Tematsku sjednicu o "Perspektivama ekonomskog razvoja Bosne i Hercegovine kroz prizmu stabilnih poslodavaca" s predstavnicima udruženja poslodavaca u Bosni i Hercegovini, 12. 7. 2023;
- Posjetu Centralnoj banci Bosne i Hercegovine, 15.11.2023;
- Sastanak s predstavnicima Ministarstva sigurnosti BiH, Ministarstva civilnih poslova BiH i Agencije za rad i zapošljavanje BiH, 15.11.2023;
- Posjetu Upravi za indirektno oporezivanje Bosne i Hercegovine, 5.12.2023;
- Sastanak s predstavnicima Direkcije za ekonomsko planiranje Vijeća ministara BiH, 21.12.2023. i
- Sastanak s predstavnicima Agencije za osiguranje u BiH, 21.12.2023.

POGLAVLJE III. REZIME

Može se konstatirati da su aktivnosti Zajedničke komisije u 2023. godini, sa šest održanih sjednica te jednom tematskom sjednicom i sastancima s predstavnicima Ministarstva sigurnosti BiH, Ministarstva civilnih poslova BiH, Agencije za rad i zapošljavanje BiH, Direkcije za ekonomsko planiranje Vijeća ministara BiH, Agencije za osiguranje u BiH, kao i posjetama Centralnoj banci BiH i Upravi za indirektno oporezivanje BiH, bile na zadovoljavajućem nivou. Materijali iz nadležnosti Zajedničke komisije koji su pristigli na razmatranje su razmatrani na sjednicama. Aktivnosti Zajedničke komisije koje su bile planirane Orijentacionim planom za 2023. godinu, a nisu realizirane bit će planirane u Orijentacionom radnom planu za 2024. godinu.

Zajednička komisija donosila je određene zaključke u skladu s razmatranim materijalima i u vezi s oblastima za koje je nadležna.

Zajednička komisija je u izvještajnom periodu razmatranjem dva izvještaja o radu Vijeća ministara BiH ostvarila saradnju s 11 institucija za koje je nadležna u ovom smislu, i to: Institutom za intelektualno vlasništvo BiH, Institutom za standardizaciju BiH, Institutom za akreditiranje BiH, Institutom za mjeriteljstvo BiH, Agencijom za statistiku BiH, Agencijom za unapređenje stranih investicija u BiH (FIPA), Agencijom za nadzor nad tržištem BiH, Agencijom za osiguranje u BiH, Agencijom za rad i zapošljavanje BiH, Konkurencijskim vijećem BiH i Direkcijom za ekonomsko planiranje. U 2024. godini Zajednička komisija nastojat će poboljšati saradnju sa institucijama iz svoje nadležnosti organiziranjem sjednica ili posjeta te ostvarivanjem neposrednijeg kontakta s rukovodstvima navedenih institucija i pružiti podršku za unapređenje njihovog rada. Nastojat će ostvariti saradnju i sa institucijama na drugim nivoima vlasti u Bosni i Hercegovini organiziranjem različitih aktivnosti iz nadležnosti Zajedničke komisije.

Predsjedavajuća Zajedničke komisije

Ermina Salkičević-Dizdarević

Prilog: Tabela 1. Tabela prikaz prisustva članova sjednicama Zajedničke komisije

Ime i prezime člana Zajedničke komisije	Broj sjednice i datum održavanja								
	1.	1.	2.	3.	4.*	4.	5.	6.**	6.
	20. 3.	27. 3.	18. 4.	6. 6.	19. 6.	4. 7.	24. 7.	14. 12.	21. 12.
Mladen Bosić	-	-	+	+	-	+	+	-	+
Ilija Cvitanović	-	+	+	+	-	+	+	-	+
Šemsudin Dedić	+	+	+	+	-	+	+	+	+
Šefik Džaferović	+	+	+	+	+	+	+	+	+
Dženan Đonlagić	+	+	+	-	+	+	+	-	-
Nermin Mandra	+	+	-	-	-	-	+	-	-
Zlatko Miletić	+	+	+	+	+	-	+	+	+
Želimir Nešković	-	+	+	+	-	-	+	-	-
Snježana Novaković – Bursać	+	+	+	-	-	-	+	-	+
Nihad Omerović	+	+	+	-	+	+	+	-	-
Ermina Salkičević - Dizdarević	+	+	+	+	+	+	+	+	+
Čedomir Stojanović	+	-	+	+	+	+	+	+	+

* Sjednica otkazana zbog nedostatka kvoruma.

**Sjednica otkazana zbog nedostatka kvoruma.

Tabela 1. Tabela prikaz prisustva članova sjednicama Zajedničke komisije